



**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO-SANSKOG KANTONA**



**PRINCIP I MJERE DJELOVANJA
VLADE UNSKO-SANSKOG KANTONA
2023-2026.**

EKSPoze PREMIJERA

Bihać, 05.12.2023.godine

Nijaz Hušić, MA



SADRŽAJ:

1.UVOD

2.MJERE DJELOVANJA PO RESORIMA

2.1.MINISTARSTVO ZDRAVSTVA, RADA, SOCIJALNE POLITIKE

2.2.MINISTRATSTVO ZA BORAČKA PITANJA I RVI

2.3.MINISTARSTVO OBRAZOVANJA, NAUKE, KULTURE I SPORTA

2.4.MINISTARSTVO FINANSIJA

2.5.MINISTARSTVO POLJOPRIVREDE, VODOPRIVREDE I ŠUMARSTVA

2.6.MINISTARSTVO GRAĐENJA, PROSTORNOG UREĐENJA I ZAŠTITE OKOLIŠA

2.7.MINISTARSTVO PRIVREDE

2.8.MINISTARSTVO UNUTRAŠNJIH POSLOVA

2.9.MINISTARSTVO PRAVOSUĐA I UPRAVE



UVOD

Velika mi je čast, ali i odgovornost da mi je predsjedavajući Skupštine dodijelio mandat za sastav Vlade Unsko-sanskog kantona.

Ovom prilikom izražavam zahvalnost, svjestan činjenice da je pred nama puno izazova sa kojima smo spremni suočiti se u narednom periodu, smatram da ću sa odabranim timom opravdati ukazano povjerenje, uz punu podršku zastupnika koji čine novu parlamentarnu većinu, ali isto tako očekujem i podršku ostalih zastupnika koji će biti korektivni faktor za sve aktivnosti Vlade u narednom periodu.

Zastupnice i zastupnici:

Poboljšaćemo status boračkih populacija, socijalnih kategorija, zaposlenika u obrazovanju, zdravstvu, ali prvenstveno naših privrednika i poljoprivrednika.

Radićemo na tome da se raspoloživi prirodni resursi (prvenstveno oni za razvoj poljoprivrede, turizma i privrede) stave u punoj mjeri u funkciju razvoja Unsko-sanskog kantona.

Namjera nam je da damo podršku ovog nivoa vlasti za kvalitetan i ravnomjeran razvoj općina i gradova Unsko-sanskog kantona u cilju stvaranja boljih preduslova za investicije, kako za domaće tako i za strane ulagače naravno u suradnji sa višim nivoima vlasti.

Ulagaćemo napore u procese evropskih integracija radi ispunjavanja ciljeva pristupanja evropskoj uniji u okvirima svoje nadležnosti.



Ministarstvo zdravstva, rada, socijalne politike

- u narednom periodu će svoje aktivnosti bazirati na poboljšanju i unaprijeđenju zdravstvene zaštite kao i ostvarivanju svih prava socijalne zaštite, kako implementacijom federalnih propisa tako i pristupanjem izradi i usavršavanju kantonalnih zakonskih i podzakonskih akata, ali i kroz ulaganje u rekonstrukciju i obnovu zdravstvenih ustanova gdje posebno ističem rješavanje dugogodišnjeg pitanja Doma zdravlja Bihać.
- Raditi na unapređenju materijalno - tehničke opremljenosti zdravstvenih ustanova, stvoriti uslove za kvalitetan rad medicinskog i nemedicinskog osoblja te pružiti pacijentima kvalitetne uslove za liječenje.
- Vlada će posebnu pažnju posvetiti ZU Lječilište Gata, povećanju smještajnih kapaciteta ove ustanove i boljem korištenju prirodnih resursa čime bi se unaprijedio obim i kvalitet zdravstvenih usluga koje pruža ova ustanova, te kreirali uslovi za dodatni razvoj banjskog turizma i zdravstva u cjelini.
- Vlada mora dati svoj maksimum za vraćanje povjerenja građana u naše zdravstvo, moramo se intenzivno posvetiti kadrovskom jačanju i boljoj opremljenosti naših zdravstvenih ustanova što će rezultirati većim brojem i kvalitetom zdravstvenih usluga.
- U oblasti socijalne zaštite raditi na jačanju položaja osoba sa teškoćama u razvoju, porodica sa djecom i žrtava nasilja u porodici, pružiti podršku programima prevencije maloljetničke delinkvencije, unaprijediti sistem zbrinjavanja djece bez roditeljskog staranja, te poboljšati uslove života korisnika javnih kuhinja.
- Neophodno je i institucionalno riješiti pitanje finansiranja i veće podrške Sigurnoj kući.
- Pružiti podršku donošenju i implementaciji programa prevencije teških oboljenja, zaštite i unapređenja mentalnog zdravlja, unapređenja seksualnog i reproduktivnog zdravlja, unapređenja ranog rasta, razvoja i ishrane djece te sprečavanja zloupotrebe opojnih droga.

Ministarstvo za pitanje boraca i ratnih vojnih invalida

- U kontinuitetu ćemo nastaviti kreirati i provoditi započete aktivnosti poboljšanja položaja boračkih kategorija, posebno na provođenju zakonom utvrđenih dopunskih prava branilaca i članova njihovih porodica sa posebnim akcentom na provođenje jedinstvene politike i usklađivanje sistemskih zakona i drugih propisa iz oblasti boračko invalidske zaštite.
- Planiramo u većem obimu pružiti pomoć povratničkoj populaciji koja je ostvarila povratak u gradove/općine u entitetu RS, a sve u cilju održivog povratka.



Ministarstvo obrazovanja, nauke, kulture i sporta

- Fokus će biti na poboljšanju kvalitete predškolskog, osnovnog, srednjeg i viskog obrazovanja, kurikularne reforme i procesa digitalne reforme, uvođenje novih obrazovnih profila usklađenost sa potrebama tržišta rada, izrada strategije razvoja viskog obrazovanja i nauke.
- Osiguranje stipendija, posebno nadarenim učenicima i studentima kao i stvaranje preduslova za sticanje prvog radnog skustva radi zapošljavanja.
- Poseban akcenat ćemo staviti na donošenje svih podzakonskih akata radi implementacije novog zakona o osnovnom obrazovanju i nabavku besplatnih učenika za sve učenike od 1-9 razreda osnovne škole.
- Proširenje kapaciteta ustanova predškolskog odgoja, povećanje broja upisane djece u predškolske ustanove i umrežavanje javnih i privatnih predškolskih ustanova i osnovnih škola.
- Povećanje ulaganja u kapitalne investicije vezane za opremljenost osnovnih i srednjih škola, posebno u smislu energetske efikasnosti, nabavku savremenih nastavnih pomagala i učila, izgradnju, rekonstrukciju i opremanja školskih sportskih igrališta i dvorana.
- Usklađivanje nastavnih planova i programa stručnih i tehničkih srednjih škola sa potrebama tržišta rada, provođenje sveobuhvatne analize potreba na tržištu rada USK, uključivanje predstavnika privrede u modernizaciju i unapređenje obrazovnih programa i jačanje kapaciteta za obavljanje praktične nastave u srednjim stručnim školama.
- Edukacija postojećeg nastavnog kadra radi implementacije novih obrazovnih programa u praksi i razvoja ličnih kompetencija nastavnog osoblja.
- Radićemo na otvaranju socijalnog dijaloga sa partnerima/ sindikatima za potpisivanje kolektivnih ugovora za osnovno, srednje i visoko obrazovanje u skladu sa budžetskim mogućnostima.
- Donošenje akcionih planova radi osiguranja provođenja strategije sporta na području Unsko-sanskog kantona će također biti jedan od prioriteta ovog organa.
- Poduzećemo neophodne aktivnosti kojima ćemo omogućiti neometan rad i depolitizaciju Univerziteta u Bihaću i iskorištavanje svih kapaciteta Univerziteta.

Ministarstvo finansija će svoj rad bazirati na:

- transparentnosti i efikasnosti u cilju ekonomskog razvoja u cilju finansijske stabilnosti Budžeta USK i njegove likvidnosti.
- Očuvanje finansijske stabilnosti Budžeta Unsko-sanskog kantona, njegove likvidnosti i sposobnosti izvršenja značajno unaprijeđenog nivoa socijalnih i boračkih davanja, čija realizacija slijedi u narednom periodu, bit će jedan od najvažnijih prioriteta u radu ovog Ministarstva.



Ministarstvo poljoprivrede, vodoprivrede i šumarstva

- Poljoprivredno i šumsko zemljište predstavljaju bazu za razvoj prerađivačke industrije i kompletne privrede USK zbog čega će uspostavljanje sistema za održivo korištenje i odgovorno upravljanje prirodnim resursima biti prioritet u radu Vlade pri čemu će se posebna pažnja posvetiti ravnoteži između korištenja prirodnih resursa u svrhu razvoja privrede u sadašnjosti i potrebe očuvanja prirodnih resursa za buduće generacije.
- Vlada će intenzivno raditi na unapređenju i kreiranju programa poticaja u primarnoj poljoprivrednoj proizvodnji.
- Neophodno je uraditi analizu efekata realiziranih programa podrške poljoprivrednom i ruralnom razvoju kako bi mogli poboljšati postojeće stanje donošenjem strateških dokumenata.
- Stimulisati investicije u razvoj kapaciteta za otkup i preradu poljoprivrednih proizvoda na prostoru USK, te otvaranju novih radnih mjesta u prehrambenoj industriji.
- Raditi na povezivanju poljoprivrednih proizvođača s otkupljivačima i prerađivačkim kapacitetima u USK, te poticati plasman proizvoda lokalnih poljoprivrednih proizvođača kroz postojeće trgovačke lance i USK.
- U dijelu **upravljanja šumama**, na osnovu definisanih izazova, potrebno je raditi na utvrđivanju i prostornoj definiciji stvarnog stanja šumskih područja, sa detekcijom degradiranih šuma, zbog negativnih antropogenih uticaja, te neplanskog i ilegalnog iskorištenja šumskog dobra, utvrditi prostore koji trajno ostaju šumska područja, kao što su zaštitne šume, šume posebne namjene, zaštićene šume, šumski rezervati, sjemenske sastojine i sl. te poduzimati mjere upravljanja i očuvanja u tim područjima, prevođenje degradiranih šumskih područja u vrijednije sastojine, rada na očuvanju i unapređenju korisnih funkcija i biološke raznolikosti šume, uz obraćanje pozornosti na sistemsko i naučno istraživanje biljnih i životinjskih vrsta, posebno u zaštićenim područjima.
- Raditi na unapređenju sistema održivog upravljanja i korištenja šuma i sporednih šumskih proizvoda prema dugoročnim planovima.
- Izvršiti analizu postojećeg sistema raspodjele i korištenja drvne sirovine, poticati razvoj industrijskih kapaciteta za finalnu obradu drveta u USK i prilagoditi sistem raspodjele drvne sirovine prvenstveno u cilju namirenja potreba i kapaciteta lokalne prerađivačke industrije.

Ministarstvo građenja, prostornog uređenja i zaštite okoliša

- Unaprjediti zakonski okvir u oblasti građenja i prostornog uređenja a sve u cilju efikasnijeg rada općinskih i gradskih službi urbanizma.
- Posebna pažnja će se posvetiti realizaciji projekata povećanja energetske efikasnosti objekata koje koristi javni sektor i koji su u vlasništvu javnih institucija, analizi potreba i definiranju mjera energetske efikasnosti u javnom i privatnom sektoru, definiranju liste prioriternih projekata,



pripremi potrebne projektne dokumentacije i osiguranju sredsstva za provođenje mjera energetske efikasnosti.

- Poboljšaćemo aktivnosti i subvencije na projektima energetske efikasnosti u stambenom sektoru i privredi, te unaprijediti sistem subvencija iz oblasti rješavanja stambenog pitanja mladih.
- S aspekta **zaštite prirodnog naslijeđa i biodiverziteta**, najvažnija razina zaštite treba da se odnosi na zaštitu i konzervaciju prirodnih vrijednosti zaštićenog područja, posebno Nacionalnog Parka (NP) Una, te proširenja teritorije pokrivenosti zaštićenim područjem.
- Važno je i poticati korištenje obnovljivih izvora energije (vjetar, biomasa, sunčeva energija, itd.), obezbijediti efikasno korištenje energije (energetsku efikasnost) i rezervirati prostor za planiranu VE Medveđak u Teočaku, Grad Bihać. Potrebno je obezbijediti i dovođenje gasa kao kvalitetnog energenta na područje USK u svrhu povoljnog djelovanja na kvalitet okoline i intenziviranje privrednog i drugog razvoja, unaprijediti sistem zaštite zagađenja zraka od individualnih kotlovnica, te uspostaviti sistem daljinskog grijanja u urbanim sredinama, po fazama obuhvata, u svrhu unapređenja sistema zaštite zagađenja zraka od individualnih ložišta. Valja se pozabaviti i povećanjem stepena toplifikacije, monitoringom primjene uslova propisanih u ekološkim dozvolama za sve industrijske kapacitete, te kreiranjem uslova za povećavanje energetske efikasnosti na postojećim objektima u smislu toplifikacije, utopljavanja zgrada, uvođenja obnovljivih izvora energije, čime će se smanjiti potrošnja goriva i emisije polutanata u atmosferu, a komfor i standard stanovništva će porasti.
- Potrebno je planirati i podržavati izgradnju obnovljivih izvora električne energije čime se smanjuje emisija CO₂, a također se smanjuje i eksploatacija konvencionalnih (neobnovljivih) energetskih resursa koji se trebaju čuvati za buduće generacije.

Ministarstvo privrede

- Nakon analize efekata realiziranih programa podrške u narednom periodu će imati za prioritet predlaganje i provođenje politike donošenja zakonskih i podzakonskih akata, u cilju stvaranja povoljnih uslova za investiranje i inovacije te jačanje konkurentnosti poslovnog sektora na području Kantona.
- Isto tako, Vlada će provoditi sve aktivnosti u cilju stvaranja uslova za rast privrednih aktivnosti i postizanja održivog ekonomskog razvoja što će direktno pozitivno uticati na povećanje prihoda i održavanje dugoročne finansijske stabilnosti.
- Unaprijediti sistem programa poticajnih mjera za razvoj privrede sa posebnim akcentom na razvoj prerađivačke industrije i većeg stepena finalizacije proizvodnje, poticanju poduzetništva mladih i izvozno orjentirane proizvodnje.
- Kako bi se postojeća preduzeća razvijala i rasla i istovremeno stvarala nova, potrebno je stalno raditi na razumijevanju potreba privrede i stvaranju stimulativnog poslovnog okruženja. Podrška privrednom sektoru treba da bude usmjerena na postojeća preduzeća i stvaranje novih privrednih subjekata, što prije svega uključuje promociju preduzetništva i samozapošljavanja. Komplementarno, potrebno je raditi na unapređenju poslovne infrastrukture, čiji značajan segment



čine poslovne zone te na unapređenju tehničkih i kadrovskih resursa pružalaca poslovnih usluga, kao i poboljšanju kvaliteta ljudskih resursa i uspostavljanju dinamičnog tržišta rada usklađenog sa potrebama privrede.

- Unapređenje konkurentnosti prerađivačke industrije
Prerađivačka industrija predstavlja okosnicu razvoja privrede USK. Mnoga prerađivačka preduzeća nisu u mogućnosti da samostalno obezbijede sve neophodne pretpostavke za svoj dugoročan rast i razvoj. U cilju unapređenja produktivnosti i konkurentnosti prerađivačke industrije i ukupne privrede USK, pored povezivanja s lokalnom sirovinskom (resursnom) bazom, potrebna je podrška za uvođenje i podsticanje inovacija, uvođenje novih i unapređenje postojećih tehnologija, kao i za internacionalizaciju poslovnih aktivnosti i plasmanu proizvoda na međunarodnom tržištu.
- Izrada dugoročnog plana eksploatacije rudnih resursa USK i njihovo stavljanje u funkciju razvoja privrede
- Povezivanje naučno - istraživačkih institucija s privrednicima i stimulisanje rada na zajedničkim projektima, uz obezbjeđenje finansijske podrške za inovacione i istraživačko - razvojne aktivnosti i subvencioniranje poslovnih aktivnosti usmjerenih na uvođenje inovacija i implementaciju međunarodnih standarda i obezbjeđenje potrebnih certifikata od strane akreditacionih tijela.
- Raditi na razvoju turizma, promociji USK kao atraktivne turističke destinacije zasnovane na lokalnim potencijalima i resursima, uz korištenje mogućnosti prekogranične saradnje između NP Una i NP Plitvička jezera, poticati razvoj i unapređenje turističke ponude kreiranjem privlačnih turističkih proizvoda zasnovanih na lokalnim turističkim resursima i investicijama u ciljne turističke oblasti.

Ministarstvo unutrašnjih poslova

- Prioritet rada je osigurati efikasniji i transparentniji rad policijskih službenika u cilju podizanja stepena sigurnosti na području našeg Kantona, što će doprinjeti kvalitetnijem životu i poslovnom okruženju na području Unsko-sanskog kantona.
- Osigurati adekvatnu kadrovsku popunjenost Uprave policije MUP USK i unaprijediti materijalno tehničku opremljenost svih organizacionih jedinica kroz nabavku moderne opreme i vozila potrebnih za izvršavanje zadataka iz nadležnosti Uprave policije.
- Uspostavljanjem Nezavisnog odbora i imenovanjem komesara Uprave policije stvorit će se preduslovi za realizaciju ovih mjera.



Ministarstvo pravosuđa i uprave

- radiće na jačanju materijalno-tehničkih uvjeta za rad pravosudnih institucija.
- Stavljanjem u punu funkciju Ureda za borbu protiv korupcije omogućićemo efikasniji rad na polju borbe protiv korupcije, unapređenju pravnog okvira za borbu protiv korupcije, te realizaciju aktivnosti i mjera u cilju njene prevencije.
- Unaprijedićemo i poboljšati uvjete za rad državnih službenika i namješetenika u organima državne službe te voditi aktivnosti na stručnom usavršavanju i osposobljavanju putem Agencije za državnu službu.



Ovom prilikom dozvolite mi da predložim sastav Vlade Unsko-sanskog kantona, poštujući ustavnu strukturu nacionalnog sastava i zatražim podršku za sastav buduće Vlade :

1. Kandidat za ministra finansija:
Ime i prezime: Danko Jakšić
Stručna sprema: Diplomirani ekonomista
2. Kandidat za ministra unutrašnjih poslova :
Ime i prezime: Adnan Habibija
Stručna sprema: Diplomirani pravnik
3. Kandidat za ministra pravosuđa i uprave:
Ime i prezime: Dragan Polimanac
Stručna sprema: Diplomirani pravnik
4. Kandidat za ministra obrazovanja nauke, kulture i sporta:
Ime i prezime: Denis Osmankić
Stručna sprema: Diplomirani ekonomista
5. Kandidat za ministra prostornog uređenja i građenja:
Ime i prezime: Almir Imširović
Stručna sprema: Diplomirani inženjer geodezije
6. Kandidat za ministra privrede:
Ime i prezime: Armin Kardašević
Stručna sprema: Magistar komunikacije i saobraćaja
7. Kandidat za ministra zdravstva, rada i socijalne politike:
Ime i prezime: Zemina Kadirić
Stručna sprema: Magistrica psihologije
8. Kandidat za ministra za pitanja boraca i ratnih vojnih invalida:
Ime i prezime: Almir Tutić
Stručna sprema: Diplomirani ekonomista
9. Kandidata za ministra poljoprivrede vodoprivrede i šumarstva:
Ime i prezime: Mehmed Čenanović
Stručna sprema: Diplomirani inženjer mašinstva

Poštovani zastupnici, poštovani građani, dragi moji prijatelji, hvala vam još jednom na datom povjerenju, prostoru i pažnji.



Pozivam vas da zajedno radimo u interesu Unsko-sanskog kantona, samo zajedno možemo uraditi krupne i kvalitetne stvari za sve građane našeg kantona.